



二酉園詩集卷之六

沔陽陳文燭玉叔著

五言律

寄張助甫吏部

尺素頻相寄
相思入夢勞
浮槎驚博望
啓事即山濤
名竝河流遠
秋深嶽色高
不知下里曲
何日爲君操

送李文仲山人南歸兼寄乃弟伯英吏部

孤艇悠悠去
相若且濁醪
秋聲淮浦樹
暮雨廣



凌濤氣合千金銀囊餘五色毫惠連應咫尺池
草夢偏勞

酬胡原荆侍御兼寄王承甫安茂卿
故人幾行字偏自感離居倚馬才何俊批鱗衆
不如放歌同二仲憔悴異三閭莫說煙霞好君
王憶諫書

答余德甫朱用晦

牢落章門社陽春有和篇雞林誰定價鴈字幾
相傳樓閣含山色芙蓉近水邊美人良夜夢何

日一尊前

過真定憶家大人兵備井陘感賦

落日關門吏憐予已棄繻龍泉持憲節鯉對正
庭趨山色還今昔雲蹤任有無寄言防虜使莫
遣度飛狐

過安陽寄謝山人茂秦

蕭散山居興斯人亦竟窮九河名竝遠七子調
相同未敢題凡鳥那能覓便鴻晉雲頻極目
色下長空

望太行山

天外垂巖石輿中見太行
片心隨鳥羽萬折畏
羊腸冉冉蹤無定悠悠路自長
鄉心與落日正蒼茫 王命

穀城山行

樹遠雲俱亂峯危鳥漸稀
夕陽頻送日蔓草欲
鈎衣澗外泉聲合林間暑氣微
誰言茲地險世
路本來崎

光化吳大尹召飲福巖寺席上賦

落日珠林渺華筵寶地開
江聲頻入座雨氣暗
浮杯余本三湘客君寧百里才
論交方有合歸
騎莫相催

其二

時序當炎暑關河已夕春
泉飛千澗雨風送一
聲鐘竹樹分青靄烟雲亂碧峯
憐君偏愛客尊
酒喜相逢

太和宮

孤松傍嵯峨平亭是太和
斗間星亂落月下露

偏多忽聽霓裳曲
誰同子夜歌
擁衾渾不寐
吾亦病維摩

紫霄宮

杖屨來仙館
蒼茫路正遙
白雲常在戶
紫氣欲凌霄
鳥語沉芳樹
虹飛鎖斷橋
亦知天路近
明月坐相邀

南巖宮

怪石從中起
巖扉百丈陰
摩空驚過鳥
積雪在深林
到此真無暑
令人發朗吟
飛昇如可託
肯復戀朝簪

五龍宮

仙子今何在
宮名尚五龍
山深時作雨
溪響不聞鐘
獨往無同伴
何緣覓去蹤
諸峯羅列處
一綉芙蓉

遇真宮

正有真人想
其如遇眇然
人言臨福地
吾意在先天
歲月山中老
乾坤此際懸
偶來仍駐屐
笙

鶴下翩翩

玉虛宮

已覺樊籠累尋幽此更舒樓臺金作闕鐘磬玉
爲虛野色荒烟合寒雲古木踈 文皇當日幸
蒼翠滿鑾輿

迎恩宮

睿藻題仙跡須知是聖恩碑殘多鳥篆坐久識
禽言樹隱深盤徑泉迴曲抱源向來臨險阻回
首亦銷魂

淨樂宮

城郭還如舊關門望更新亦知封淨樂何意薨
修真獨鶴依然舞神龍不可馴至今餘夜氣千
載識金銀

過郢中贈日者

數載風塵客今宵過石城故人渾不見得爾遠
相迎天外雙長劍尊前一短檠沉淪江海者何
用問唐生

過石城夜懷曾大叅

詞客今何在緘書昔太華三春吳越舫一壘樹

雲涼郢里歌飛
天台賦落霞斗間看紫氣莫
不是仙槎

送費茂才應試

之子過江夏臨岐錢百壺人推鸚鵡賦我愛鳳
凰雛新水連黃鵠扁舟泛白湖千金方買駿竝
轡向長途

送蕭仲馨應試兼懷尊君北遊

畫舫去翩翩秋江月正圓文章知得意交好欲
忘年綠鬢青霄上白雲黃鵠前天涯抱奇者應

賦帝京篇

滄浪別業同按察公送家兄兩姪應試

曲徑滄浪水新秋暑不侵涼飈生塵尾高調寄
琴心鶴去還江表鴻飛定上林黃金臺畔好竝
馬一追尋

壽胡徵君

爽氣入新秋登君百尺樓桃傳青鳥使花滿白
鷗洲漫話丁年事應憐甲子周從今爲君祝長
繫泛湖舟

過庄上喜人諸父

數載歎飄蓬今宵骨肉同開尊
渾不醉尺素幾曾通
場圃秋聲裏牛羊夜雨中
那堪人易老綠鬢半成翁

十五夜同高王諸都閫及家大人對月傅
司徒山亭

忽驚秋欲半佳賞此相停舞鶴多清影
棲鳥見逸翎鐘來城上寺月到水心亭
况是高陽侶何人肯獨醒

過泗水東庄

結茅臨泗水獨樹傍沙洲落日驅黃犢
晴烟隱白鷗問舟多燕尾舉網得查頭
况值西疇日農人話有秋

同年陳子壽李和載過訪

故人江海別尺素幾相聞竝到逢新雪
還疑隔暮雲一尊寒夜語千樹禁林分
莫說河東賦君王正好文

送朱在明此客使楚

故人何所去，盡訪度長沙。夾岸青楊柳，寒帷白
藕花。老恩原睦放，天遣得寧家。倘寄投湘賦，臨
風莫令賒。

聽雨軒爲彭進士釋修賦

卜居南浦上，何日共招尋。新雨來空谷，寒雲濕
古琴。懷人偏此際，望爾早爲霖。浙瀝瀟湘夜，吾
家有隱林。隱林庄乃
余讀書處

謝山人茂秦過訪席上賦

江海此相逢，青燈夜雨中。漳衡多爽氣，楊柳自
春風。乍見驚垂老，平生只固窮。別來有新調，爲
我寄蠶叢。

答謝茂秦山人送余遊少林詩有千峯雲
共白二水月俱寒之句次韻招之

梵宇知何處，烟雲縹緲看。黃河春帶雨，青靄晝
生寒。二室形稱勝，三花采未殘。才情誰謝眺，好
去共憑闌。

白松

衆木芬榮處，參天一老松。傳言栽玉女，幸不染

秦封雪色時來急
風聲夜作龍
萬年枝可倚
長嘯問仙蹤

嵩山寄張助甫吏部
往寓書有共游之約
臨眺當絕頂
懷人日欲斜
却憐身是寄
安得此爲家
路轉石蹲虎
陰多樹集鴉
玉漿如可飲
持此問張華

其二

河洛本名區
中天山更孤
萬泉聲自合
衆壑景偏殊
我尚牽婚嫁
君今畢有無
他時重杖履
煙月共招呼

訪謝茂秦談救廬柁事賦贈

道往渾忘寐
淒然劒氣生
暮春詩送老
不夜月臨城
一出原排難
千秋有令名
憐才誰復似
因見古人情

送徐惟和之貴陽

桃花新水發孤艇
下江關
顧我還三楚
憐君到百蠻
日南浮紫氣
雨後見青山
別去弁州意
雄篇取次刪

壽譚于禮

白髮老江干，冥鴻自羽翰。
閑携鸚鵡竹杖，清映麤皮冠。
水近月偏好，春深花正繁。
耆英他日會，尊酒幾交驩。

送李少白遊金陵

采石磯頭月，停橈爾正看。
夜深詩思好，興到酒腸寬。
雲淨三山出，江流一葉寒。
故人如問訊，獨道古來難。

酬張貞卿秀才

之子能詞賦，緘書到漢陰。
風塵難識面，意氣總知心。
白岳寒雲色，滄江落日深。
幾時下孤艇，尊酒一招尋。

壽孫受甫總戎

請給逢昌運，憐君是仲謀。
習家池尚在，峴首景偏幽。
旗引千山色，弧懸萬里秋。
平生懷頗牧，應待禁中求。

飲蕭凌喬宅得濱字

數車返江濱，今夕醉故人。
才華憐汝在，披豁見

吾真竹笋當階上
荷花映水新
西風將萬里
尺素寄情親

蕭徵君費呂王趙四進士
錢余寺閣得朝字

故人多意氣
斗酒一相招
鷲嶺無炎暑
龍宮遠市朝
清風吹竹樹
踈雨滴芭蕉
後夜東林會
憐余萬里橋

同日得黎惟敬內史盛仲文秀才書

湖海交游意
吾憐二子才
喜觀江左賦
况寄嶺南梅
炎暑涼風澈
遙天明月來
論心一尊酒
何處爲重開

宿沙洋立秋有懷家大人

忽聽秋聲至
蕭蕭思不禁
西行隨大火
東望快長林
沙羨疑無暑
梧桐倍有陰
江臯戀游子
今夕好披襟

唐安寺別成仁卿孫子忠二秀才
時空吾上人與焉

知己同相送
高僧况皎然
一尊聊共醉
萬里有

誰憐山色來天外，泉聲響坐前東林。如許我結社好談禪。

寄圭兒

家書傳峽口，况是汝生辰。白髮憐遊子，青山度遠臣。十年渾在抱，一別總驚神。巫水知余意，長吹到漢津。

山家

茅屋傍山隅，披雲始一呼。樹青見朱果，籬密隱啼烏。落木時堆戶，流泉自到厨。嚴公畫蜀道，此景入圖無。

寄謝少安中丞

偶過玄暉宅，蕭然獨閉關。病餘看白髮，南遠與青山。作賦難三峽，談經到百蠻。子昂臺尚在，何日共躋攀。

游中巖寺有序

青神余太史志中巖，蓋比武夷云沙門。隨景索題得賦八首，昔蘇長公泊巖下，髡奴阻以路險，不果游。非山靈之恨，耶不穀幸。

矣

謁諾距那尊者像蜀人禱子輒應

浮生言嗣錄造化理徧徼南土誰爲主西天爾
不歸陶形人共異石笋世應稀亦願多男子焚
香更一祈

水月樓

登高見新月况復俯長川諸品空中靜三山象
外懸慈航如可泛石鏡若爲圓獨恨僧牢落誰
叅不住天

下巖寺

紆殿青江裏維舟暮欲投故鄉天際夢客子水
邊樓霞色紅將斂煙花翠且浮上方有鐘磬明
日更淹留

中巖寺

白雲迴合處徙倚是中峰我自舒長嘯僧來送
短筇陰晴頻作雨上下忽聞鍾不盡徘徊意林
間又夕春

上巖寺

靈巖敞高閣絕頂更披襟一雨層巖出三冬客
鬢侵有碑多古字無處覓知音最是山間月憐
余去住心

喚魚潭

諸僧說法處出聽有游魚丙穴誰同美濠梁興
不虛飛泉山頂細霜葉雨中踈似此真無礙塵
心亦漸除

玉泉坎

水曲流盃飲應思晉永和甘泉來石竇古碣倚
山阿行色渾忘去浮踪定再過余家兄弟好此
處幾高歌脩撰承勛
副使承業

祖覺臺

空門著僧史杖鉢總成玄今日書何在千秋名
自懸墨花逢勝地丹葉下寒泉欲續高僧傳慚
余未有緣

烏尤寺同南憲使作

詞客招尋處重過大士家烏尤山更好青靄日
偏斜雲物頻侵坐霜林已著花嘉州多勝事寧

忍負年華

得平陽胡使君書兼寄康山人

郡閣頻飛夢翻憐蜀道遙風流還上黨雲樹渺
中條萬里書初至三秋思獨饒舊時同社侶鴻
鴈得相招

除夕

取醉天涯事今宵又入唇東風十度客西土五
更春家遠書難得官閑態自真庭闈與兒女歲
暮定沾巾

得楊懋功罷郡之報感懷兼寄芙蓉社中
諸子

莫說紅顏舊憐君妬更深一麾還偃蹇萬里共
浮沉可畏風塵態難持去住心詞場多舊侶載
酒好披襟

岑公洞同王引瞻少叅賦

仙子何年去還餘洞口香白雲頻下鶴紫氣總
飛羊山名列岫橫江浦鳴泉到石床故人斗酒會
夜色正蒼蒼

靜邊寺

偶過山邊寺居然靜者心
大唐還有碣古殿欲
生陰風雨千巖墮烟蘿
一徑深寒帷春色好無
處不登臨

宿慈雲寺讀陳子兼學憲壁間之作感懷
何年過使節隻字重山僧
知爾詩無敵令人思
不勝雲深垂夜雨風急亂
慈燈亦有姑蘇夢空
門路幾層

雲臺山懷李元甫修撰先余游此有作見
寄

山遠雲偏近登山雲又孤
文儒兼吏隱欲界有
仙都花柳春三月乾坤酒
一壺獨憐游覽意不
與李膺俱

送胡參將之永寧

故人辭我去七首若爲鳴
飛檄方多事臨岐倍
有情青山看萬馬赤水
度雙旌知爾封侯骨黔
陽好罷兵

得蕭文明太守書

爲問羅浮興登高屬大夫鴈魚來海島風雨到
夔巫遠道貽金錯冰心自玉壺千秋合浦上應
見有還珠

酬諸給事見懷

忽得同心札徘徊落日停知君能抗疏顧我倦
傳經輦路宮闈紫珂聲瑣闥青淮陽有民隱好
爲達彤廷舊推淮安

叙南道中懷曾司馬

嘉州曾輟棹何日到神京霄漢縣麟閣春風送
鳥聲誰言蜀道易公去雪山輕喜見躬耕者奔
趨建武城

寄凌上卿二守兼懷維揚社中陳高王錢
諸子

佐郡憐之子風流衆不如甘棠陰在道令祖芳撫楚
草惜離居遠岫來天外江聲落雨餘因君問同
調淮海楊曾虛

寄懷童少達應試

莫說巴渝路思君夢獨勞蠶叢真萬里鳳舉挾

雙毛雲淨山逾出江空月正高芳洲青似玉乘
輿一揮毫

得李本寧關中書却寄

何處秦關路迢迢不易行望君深紫氣顧我老
青城匣裏雙龍劍秋邊一鴈聲華山仙掌露寧
復似金莖

送蔡用卿大叅之廣東

萬里寒帷客清朝侍從臣雪山秋正好雲樹遠
難親兵革消炎嶺珠光落海濱一尊今夜酒還
是射洪春

余得宋文與可字碑友人李元甫脩撰爲
詩記之因次其韻亦蜀中奇事也

金馬詞華客誰云久陸沉當年餘翰墨異代有
知音石室原家世丹淵自錦心

公有丹淵集
又文翁之後謫

僊偏感舊風雨一招尋

金沙寺

郭外橫幽寺招尋路更斜前身是金粟此處問
恒沙細雨青松色長空寶樹花亦知禪坐久落

日數聲鴉

薛濤井

洪度今安在鸞牋此更奇人言花蕊好我愛竹
郎詩霜月還千里才清見五離轆轤聲不斷滾
滾有誰知

同梁尚賢大叅范子大僉憲中江響畫寺

閣

高閣空中出長江鏡裏縣喜同金回彥來問野
狐禪仙樂飄飛棟天花落梵筵峨眉山月好徒
倚向人圓

懷王明受計部

不見仙郎久分携海上樓音書曾七澤風雨又
三秋報主心何壯懷人夢欲浮淮陽有逋賦好
爲緩徵求

得沈子靜司業書却寄

數載同心別休文夢亦隨臨雍聞講易結社幾
談詩尺素南天遠高名北斗垂長安一尊酒何
日慰相思

酬蹇平陽汝上見懷

尺素總銷魂，憐君意氣存。
星軺千里遠，露冕百城尊。
綠髮人如玉，黃河勢若奔。
壯游有司馬，爲我吊龍門。

聞轉東藩志感

文教慚牢落，君恩又浪垂。
登山逢日觀，戀闕近天池。
運道誰長策，淮濱憶舊時。
却憐游子意，孤艇下重夔。

送楊直卿進士令保山

爾向南荒去，令人賦索居。
少年方縮綬，計日有徵書。
百里花堪種，千山錦不如。
平生志清白，爲我一縣魚。

別梁尚賢大參

去去嘉陵路，思君縱遠眸。
十年同上國，雙劍自中州。
山帶驚朱鳳，江心見白鷗。
射洪春酒好，若爲主人留。

雪夜懷陳于韶憲使

蜀天不見雪，一雪獨徘徊。
恰似白鹽峽，翻成玉

壘堆凍雲依短劔寒漏引深杯向晚高樓會歌
聲亂落梅

夢邵晦之淮安却寄

何意青天外長淮入夢幽傳書驚日遠爲政自
風流賴爾甘棠澤憐余桂樹秋覺時仍萬里難
下宴花樓

望牛頭寺用杜韻

老僧來谷口爲道寺門深塔遠浮青藹碑多覆
綠陰曇花千澗雨祇樹萬條金獨有風塵客徘徊

徧一賞心

上牛頭寺用杜韻

古寺青山上今朝到上頭傍城流水渡出郭野
人遊寶蓋乘牛大禪枝怖鴿幽迷津如可問岐
路幾時休

閬中留別王元德憲使

秋雨靈山白西風閬水殘故人詩思好愛我酒
杯寬石黛屏如錦仙臺玉作闌明朝天際去飄
泊萬峰寒

大人家兒遣使至巫山先歸

喜極雙童至行行是楚丘靈蛇珠尚在山鬼嘯
何愁時尚過蛇倒穀雨逢春霽朝雲忽晚收寄
言游子近莫倚夕陽樓

送凌尚卿之蜀

伏劔之官日仍登李杜祠回看雲夢遠喜見雪
山奇南國春千里東風酒一卮玄亭舊時客得
爾慰相思

禪寂寺與峴雲上人談經

征途多夜雨問俗是團風古寺浮天外高僧入
定中六塵渾欲斷五蘊本來空獨有長江客明
朝一葉東

黎秘書惟敬李臨淮惟寅過訪

竝馬金閨彥相看慰寂寥舊游如雨散高調薄
雲霄把酒論心好裁書恨路遙天邊有明月夜
夜見孤標

壽劉左史雙壽爲同年伯時太守賦

吏隱何年卜優游亦主恩耆英誰洛社詞賦更

梁園汝嶺看秦嶺王門是鹿門僊郎况循吏舞
綵細相論

金山人在衡遣子秀才謁余淮上詩以別
之

君有青城夢余懷白下心關河憑鴈翼聲價重
鷄林令子驚相似孤舟遠見尋論文一尊酒何
日共淮陰

登金山寺次唐張祜韻

波心橫古寺南北正中分洗鉢窺江月焚香散
水雲聖燈龍由戲梵語鳥相聞我有山川僻登
臨一醉醺

次唐孫魴韻

紺殿名仍舊靈泉水自新鏡中懸倒影象外絕
飛塵雪浪銀爲界晴沙金作身風流蘇學士解
帶更何人

賀明叔兄得孫

兄喜看黃琬吾猶見阮瞻家聲自朝野瑞氣滿
閭閻大父從今始雲孫不待占相期何物是桀

上有牙籤

焦山訪郭次甫不遇

問爾何年隱扁舟偶一尋敢題凡鳥去應識野
鷗心石徑蒼苔沒柴扉綠樹陰山間有孤鶴爲
我發長吟

京口舟中哭內兄童四

正苦同胞逝俄驚異姓兄半生真夢蝶此去足
騎鯨誰抱浮名累空聞大藥成江邊一掬泪應
到竟陵城

荅許殿卿長史見懷之作

白雲縣海岱明月照瓜洲尺素仍千里離懷况
九秋開尊多故侶得句失新愁若問行藏意天
涯獨倚樓

舟中別御史葉男兆兼呈座主張學士

邂逅彭城驛同心話別時回風吹綠蟻細雨濕
青驪霸業千山暮王程兩岸岐聖明終念直黃
閣有吾師

同莫山人公遠泛寶應湖

故人臨遠浦長嘯散幽襟十載多離夢三巴少
寄音羈愁詩更好垂老酒偏深明月重湖上魚
龍起夜吟

送潘公子應試

揮手君何去行行到鳳池少年潘岳貌當日董
生奇草綠春衣上淮清盡舫時漢庭詞賦就好
爲寄相思

吳山人孝甫走使京日却寄

沉冥詞客興何處更登樓託意時烹鯉盟心或
有鷗青山迷草市綠樹帶瓜洲江上秋風好馮
生一蒯緱

送莫廷韓北上

顧我維孤艇逢君正上書烟花三月候名姓十
年餘流水迴山色青雲隱石渠故人京洛滿應
薦馬相如

袁先生遣季子非之訪余瓜渚時過南雍
懷抱爲誰傾通家舊有盟酒寒殘漏盡話久暮
潮生桃葉江頭渡瓊花路口明別君且南去得

意鳳凰城

胡山人茂承過訪兼得許維楨祭酒書

高士來何處長江一夜潮傳書思故舊對景說
金焦孤嶼春方半中泠渴可消明朝更沽酒登
覽不須邀

遣使詢方子及留都

更作刀州夢分携已十年浮生誰得喪吾道合
迤邐莫訝文爲祟應知謫是僊秣陵烟雨寺乘
暇好談禪

端午懷家按察公

何物酬佳節殊方思不禁江心空有鏡澤畔與
誰吟艾自憐瓜渚蒲還憶隱林先朝舊宮扇曾
念主恩深

喜得三山近誰知五月寒天中驚節至家遠寄
書難聽雨神依竹乘風浴是蘭何須仍續縷不
老有金丹

送周繼元主政還南都

郭外長江遠孤帆一夜開山公還啓事水部自

多才笛落梅花雨歌殘竹葉杯秣陵應咫尺不
覺重徘徊

鍾繼文戶部還朝遣問京口賦謝

尺素傳瓜渚君行正及瓜三山牽客夢八月憶
倦槎到日恩承露平時翰染霞子牟心魏闕惆
悵尚天涯

金山寺寄徐惟德太守

郡齋名勝處聞亦少風塵地僻思家遠江空見
月真城頭新下鳳天上舊爲鱗九轉懷人意呼

僧問法輪

同康山人哭先兄有作

君聽山陽笛傷心淚有餘情憐驚坐語宮老步
兵厨短日迷三筵悲風落五湖長安若箇畔猶
憶酒家壚

喜方子及戶曹至自真州

寥寥淮海上亦有武夷君乍見渾如夢新詩更
不羣大江秋放舸寒雨夜論文莫說平原酒平
原約易分

得馬都閩書却寄

散帙聞清興君才似伏波寢園龍氣合岐路鴈
書多對雨拋金甲乘風嘯玉珂太平無一事老
將帳中歌

蘇伯華山人以鸚鵡詞謁余賦贈

垂老寧干謁名流總見收青蠅原世態白鳥自
汀洲咄咄書空事冥冥避弋謀謾誇鸚鵡調江
夏向含愁

送方子及謫雲南提舉

才子投荒去令人掩涕看詩原追杜甫論可比
桓寬萬里家應遠三山酒易寒東風下環召爲
爾一彈冠

得張幼于書寄懷

淮上頻招隱江東憶步兵鴈魚曾蜀道花鳥自
蕪城草市荒烟斷瓜洲積雪明三山一尊酒何
日共班荆

夜宿金山寺讀顧更生評事壁間見懷之
作

山靜渾如畫江平似不流老僧乘月舫孤磬散
林丘大地黃金色中天碧玉浮彥先詩更好爲
我滌新愁

舟中同郭次甫望三山

寒雨濛濛落秋雲片片陰山靈原鼎足江海好
披襟風細帆初定情真酒易深重陽應不遠還
上最高岑

別李茂叔文學

春水是王程扁舟送我行名高慚仲舉願解得
匡衡梅雨山如洗花朝草又生問奇一尊酒能
更醉江城

華巒山房爲王用懷太守賦

華萼山城外人應比范卿雲隨揮翰處風送讀
書聲明主新承寵玄宗舊賜名不知廊廟夜
曾亦夢柴荆

送明叔兄北上兼寄陳祠部費給事

千里驚相見三荆獨愴神吹埴聲自好把酒意
偏親泗水桃花色韓山柳葉新中朝舊遊在急

難似吾真

送吳志說憲使之蜀

叱馭今何往雲安有酒尊舊遊吾益部壯志爾
中原濫瀕真如馬陽臺半是猿褰帷無一事好
吊灤西村

彭城別張釐卿大叅分得齋字

尊酒正如淮孤舟且泊厓東風吹客鬢明月到
江涯簿領吾終厭詩篇興轉佳故鄉行目醉花
事憶高齋

九日同郭次甫登焦山集鳳亭

此地堪棲鳳孤亭意自新霜因青女降酒爲白
衣巡杜甫悲秋興林宗折角巾風流應未泯千
載大江濱

崇鳴寺

野寺疎鐘古人來始一鳴隨緣僧自住習靜世
應輕宿鳥窺香影游魚識梵聲振衣重閣晚秋
色大江橫

靈福觀

浩劫何時造先朝不可窮丹懸龍杖外春老兔
絲中泉古消長日溪幽度晚風宅年鑑湖曲吾
意只黃蓬

送劉朴先進士尹會稽

劉寵曾爲郡君今又會稽向來循吏傳好與古
人齊竹箭花封舊蘭亭草色悽若耶山谷叟定
少一錢齋

壽盛母八十

蹣跚垂舞袖白髮近期頤詞客頻稱壽仙郎雅
善詩萱花飛綺閣桃實下瑤池采采東籬菊清
香到酒卮

題采菊園壽盛山人泰甫

盛彥真名士淮南別路賒尋常多翰墨五十是
年華谷水甘浮露金英落帶霞人寰風景異長
得醉黃花

送蕭文明叅知之淮

漢家蕭相國今日借中原綠鬢何人似蒼生待
爾援帆飛由是纜節擁海爲門無限并州意臨

岐總莫論

賀胡國承新居

出郭無塵事澄江日夜東一丘尋勝地三徑有高風
雨潤苔痕綠霜清樹色紅卜鄰慈母意咫尺見芹宮

送程生之徽州兼寄龍司理

江上新樓閣君來總勝遊歌聲隨去棹寒色滿征裘
顧我非郗鑒何人是蹇脩郡齋如夜話諸少遜風流

李山人君實過訪

一醉俄成別談鋒總未休微名何處得高調更誰投
風雨頻彈鋏江湖易放舟不須懷刺去十載識荆州

喜吳江沈封君過訪

荆南明月好何處故人來握手頻看鬢論心數舉杯才名誰沈宋
交誼只陳雷况有諸兄弟柴扉次第開

葛仙草堂爲內江周憲使賦

真仙煉藥處千載爾徜徉雨氣丹沉竈霞光紫
泛觴靈符竹葉好玉液桃花長况有驚人句時
凌舊草堂

送周少府之鞏昌

故人天水去踪跡憶浮湘丹詔還金馬雙旌度
玉狼祁山諸葛廟龍峽杜公堂吊古多君意新
詩好寄將

別麻城侯子

廿載不相見相思到後城月明江上艇風細竹

間聲訪我還携子逢君更憶元

時光祿少年然
公下世

諾在去住若爲輕

送蕭文碩秀才應試

屢世通家久柴扉醉濁醪錦囊存舊草彩筆賦
新濤北闕風雲壯南樓月露高連枝同鳳舉誰
不羨雙毛

寄邵給事守成都

不見故人久相思近若何四郊渾陸海一望是
三峨浣水題詩富玄亭問字多賜環明主意蜀

道少風波

別鮑保之時訪其兄遠安令

偶爾逢高士離亭秋欲分交應慚仲舉詩自學
叅軍江濶孤帆落天清一鴈聞神明有茂宰憶
弟正看雲

吳山人孝甫過訪

握手相思苦相逢即破顏書曾傳一紙夢自繞
三山烟水孤舟繫風霜兩鬢班主人正役轄莫
說幾時還

送張貞卿秀才之京師

我愛張華久交情尺素中書從三篋定賦自兩
都雄寶劍輝新月長纓吐晚風子牟頻戀闕今
到大明宮

舟中別龍君善司理

輟棹今南去呼盧幾醉醒赤繩原繫足玉樹倍
含情一水連三楚千山擁百城廟堂多少俊遲
爾到承明

張助甫方伯黃定甫孝廉朱汝脩太醫靜

脩皎如二上人飲莫廷韓館

淨業從來白詩篇爾更玄招呼醉明月意氣倚
長天粲可原方外應劉在目前平生耽閑寂何
處好逃禪

正月望日寇巨源柳陳甫二山人招同張
助甫方伯飲燈市

此日星橋度相過醉酒樓百綸花氣合七寶夜
光浮檻外呼明月階前控紫駟我心還不淺重
與季膺遊

同趙仁甫梅客生孝廉飲盛山人秦前宅
遲萬汝脩兵部趙夢白戶部余君房工部
不至

頗怪朝參懶幽齋興自竒酒同河朔飲人似建
安時爽氣吞雲夢高風見武夷翩翩蘭省客何
處更題詩

寒食飲趙夢白計曹時

主上有山陵之行

令節逢仙署乘舟我正過瑞煙三殿遠香雨七

陵多倚檻花盈樹停杯鳥弄歌王孫與芳草握
別柰春何

寶應別嚴子心兼寄郭次甫董述夫吳曰
南陸無從鴈汝翼

送送情無限湖光蕩不如我慚留犢愛君有換
鷺書新月隨孤艇春風度草廬舊時同調者莫
遣信音踈

寄楊肖韓大尹

故人還縮綬數載臥丹丘百里瓢爲郭千山
是樓翰飛天外雨河潤海邊秋珍重明珠在
人莫暗投

采石懷龍壻君善時司理徽州

采石江心月臨流一舉杯古人不可見我輩復
重來白岳春雲斷黃山曉樹開宅時宮錦過遲
爾謫仙才

寄任五安別駕

不見任棠久裁書對夕暉詩名黃鶴重宦况碧
雞違新月沉江細春潮帶雨微剡溪有孤棹何

日款柴扉

江上寄休寧曾大尹

太白江樓好蒼茫
更一憑故人金斗望
清吏玉壺冰
高竦雲爲蓋
踈簾月是燈
天邊有雙鳥
知爾定飛騰

曾尹成文昌閣有獻虎子者封虎觀聞而賦之

白虎何年觀賢侯
講席橫風應從漢
遠政自與時
清化洽河仍渡文
成市不驚潯陽山下石


得有高名

富池夜泊寄吳明卿大叅

正有同心訪臨岐
路更賒山間看隱豹
舟次見神鴉
帆落風初定
江平月倍華
良宵有清夢
一到子雲家

邵丁俊過訪得吳明卿先生書

炎暑到江于江深
草閣寒尺書來下
雉隻字比鷺鸞
倚檻蓮多實
披襟竹未殘
不知吳季重
尊酒爲誰寬





原件短缺

卷 7-12

